

Meje Po Carte Pablo Tatina, Colosas Tomarapiwi Tatinatsi

*Meje yabara poxonae Pablo tamropata pitaba
xua tatina pomonae Colosas tomarapiwi tatinatsi*

¹ Xan, Pablon, iru Timoteono, pon be painya neyapin jiton patsicotaneme xua xanno iru pon be tayapin tsicotan. Baponbe, panbe, pac*a* jacobatsi. Xan, Pablon, Cristo Jesús pia peitorobiwi tatsi jiwanan xua Nacom peichichipaewaxae.

² Barapo carte pacata tinatsi pomonae painya neenaewi Colosas tomaratha, pomonae Cristo pajume cowuntame, iru pomonaeno yatsicaewa xanepanaya Cristo peitabaratha painya nejinom-paewino. Barabu Nacom pon Waxa, pac*a* yawa-naena pia pac*a* necaantobexae, yawano juntema jinompa pac*a* exanaena.

*Meje yabara poxonae Pablo Nacomtha tawuca
pomonae Jesús pejume cowuntsiwi*

³ Poxonae Timoteo panbe pacata wuqueibatsi Nacomtha, pon Jesucristo Paxa tatsi, pon Wanacanamataxeinaein, pajan tsaibinbe: “Nacom maisa pajuntu coyene weiweinanbe xua barapomonae necajume cowuntsixae”, pajan tsaibinbe. ⁴ Baxua papaebeibanbe tsipei bayatha Timoteo panbe Epafras pana netsipaeba. Epafras namchi: “Colosas tomaramonae Cristo Jesús jume cowunta, —jei— yawa antobe ichamonaeno pomonae pejume cowuntsiwi

Jesucristo”, jei Epafras. ⁵ Paantobem ichamonaes, pomonae pejume cowuntsiwi Jesús, yawa xua pajume cowunta dubenanaebiyame. Baxua paexaname tsipei payaputaneme xua bexa tsane Nacom pacá catsina xua pia nacuatheicha xeina, xua peantuyapuswa po peantuyapuswa jopa weraweracaeyo. Caena bayatha yabara pacá tsiwunaeya muxu duta poxonae Nacom Pejume Diwesi pajume taneme. Baxua anoxuae cataunxae paewatame. ⁶ Po diwesi xua pajume taneme Nacom pia pecapanenebiyae diwesi, barapo diwesi pejume xainyeiwa. Matautano barapo diwesi jiwi foforotapoinchi xua jume cocowuntapona, daxita carepaya tomarantha barapo cae pin nacuathe. Icha paxam paichim bayatha, barapo diwesi pacá foforotapona xua pajume cocowuntaponame poxonae aena pajume taneme barapo diwesi. Barichi payaputanemeno xua Nacom pacá necaantobewa xua awiya cataunxae paexanaponame. ⁷ Barapo Nacom pia pecapanenebiyae diwesi xaniwaicha caena bayatha Epafras pacá tsipaeba. Bapon Epafras paantobein. Bapon Epafras xaniwaicha Cristo yabara cueicueijeichi. Bapon baxua painta exanapona xua pana yawenapona xua Timoteo panbe pata ecaexaebe jiwi pecubi botha. ⁸ Epafras xote patopa. Bapon Epafras Timoteobe, pana netsipaebabe xua pinæ paxam paantobem daxita pomonae Jesús pejume cowuntsiwi Nacom pia Pejumope tñax tatsi painya nepaca yawenaæxae.

⁹ Bara caena poxonae aena, poxonae pajume tanbe xua pinæ Jesucristo pajume cowuntame,

pomonae Colosas tomarapiwi pam, Nacomtha pacata wãqueibatsi. Jopa seica paexaneibinyobe xua pacata wãqueibatsi Nacomtha, pajan tsainbe: “Nacom, yawende Colosas tomarapiwi yabara neyaputae exanaenexa xua peexanaewa tsane pocotsiwa ichichipame. Yawa care barapomonae daxita peyaputae coyenewan po coyenewan nejumope tãnaxã cata jiwitha”, pajan tsainbe Nacomtha. ¹⁰ Icha paxam payaputaneme po coyene xua pocotsiwa Nacom ichichipa pon jiwi Pecanamataxeinaein xua pocotsiwa painya neexanaewa, bapoxonae beta pajijinaponaename Nacom pia pac a necayawenaenexa. Bara be Nacom pia pexui pana natsicotaneme tsipei baxua Nacom ãnthãthã jopa xua ãnthãthã weiweina. Jiwi pafoforotaponame xua Jesucristo jume cocowãntapoinchi. Daxota baxua Nacom ãnthãthã jopa xua ãnthãthã weiweina. Paca anthãthãyapusã exana. Matautano yabara pac a yaputane exana xua painya neexanaewa tsane pocotsiwa Nacom ichichipa. ¹¹ Timoteo irã xanno Nacomtha patsipaebibeibane xua Nacom pia pac a catsinexa tsane pia peitãpanaewa xua peayapusãwa, icha Nacom ichi xua xeina barapo peitãpanaewa xua peayapusãwa. Barapo peayapusãwa pac a yawena xua pajumefebame xua poxonae ichamona pac a itoroba xua abe painya neexanaewa. Yawa pac a yawena xua jãntu coyene weiweinaya paexaname xua jopa paaitaconaem, xua poxonae bequein ichamona abe pacata exana. ¹² Poxonae Nacom patsipaebame, jãntu coyene weiweinaya

pajacobare tsipei bapon Nacom pacá yabará juntemainá abe painya neexanae cuíru coyenein. Bapoxonae Nacom tsita xanepanatsi painya juntú coyenein barompaya painyawan painya nexeinaenexa pocotsiwa Nacom pacá juntana jeba pia nacuatheicha xua painya nejume cowantsixae bapon. Pacá catsibina poxonae paxam bara xoteicha papatsiname. ¹³ Waxa, Nacom, wanaca capanepaexae Satanás pia peayapusú itorobi coyene weya tatsi, daxota anoxuae cauri pia pentacaponaein tatsi jopa equeicha cana exanaetsi xua wanaca canamataxeinaewa tsane. Apara jame Nacom yatsicaewa naca cana exana xua bapon piamonae tatsi naexainchi pomonaexaetsi xua Pexanto tatsi pon Jesús itorobiya naca ewata, po Pexantoxae bichocono antobe. ¹⁴ Nacom Pexanto tatsi naca capanepa, naetotha wanaca tsitupaexae. Daxota daxita abe waexanae cuíru coyenein Nacom naca cayabara juntemainá.

Meje yabará xua waxainchi pomonaetsi juntema jinompatsi Cristo wanaca tsitupaexae naetotha

¹⁵ Nacom bapon peinya pepoponaein, pon jopa pataeinyo. Ichitha Jesucristo bapon paxa yatsi itapeinya xeina, pon yatsicaewa patan. Caena bayatha poxonae aena bapon Jesucristo popona xua pewunaeya poxonae Nacom daxita forota barapo cae pin nacuathe. ¹⁶ Nacom daxita forota barapo cae pin nacuathe poxonae Jesucristo saya paxa taexana. Yawa daxita forota itabocotha. Matautano forotano xua jopa penatsita itapeinya xeinaewa, xuano xua penatsita itapeinya

xeinaewa. Nacom exana daxita peitorobi coyenewan xua pomonae pentacaponaewi nexa. Ichamonae jiwi itoroba nawita, ichamonae be conotha itoroba jiwi, daichitha daxita barapo coyenein Nacom exana xua barapo peitorobi coyenein. Jesucristo penacui yaputaexae xua ichichipa daxota daxita forota yawa bapon nata exana. ¹⁷ Caena bayatha bapon Cristo ataya popona poxonae cataunxuae jopa bapon foforotaponaeyo daxita. Cristo canamataxeina daxita daxota nacua xanepanaya wunaeya ducua. ¹⁸ Daxita pomonae Cristo jume cowanta be caein naexana. Bapon Cristo barapomonae pia Pecanamataxeinaeinchitatsi. Baxua caunuta xua Cristo canamataxeina barapomonaetha pomonae pia pejume cowantsiwixaetsi. Bapon Cristo antumopeyapus exana pomonae pejume cowantsiwichi. Bapon Jesucristo copiya asa nanta canaexanatsi petupaewatha. Daxota bapon canamatexanatsi xua canamataxeina daxita coyenein. ¹⁹ Nacom, Waxa, nthethweiweina bichocono poxonae Pexanto cui tane xua cui juipatsi Pexanto tsipei daxita xeina icha bapon ichi xua daxita xeina. ²⁰ Daxita pomonae jinompa po cae pin nacuathe ita coxanatsi Nacomtha. Iruru pomonae jinompa athabeicha ita coxanatsi Nacomtha. Daxota Nacom Pexanto itoroba xua petsitupaenexa naetotha pomonae po cae pin nacuathepiwi, iruru pomonae athabeicha jinompa nexa, xua bapoxonae Nacom peita coxonaewa tsainchi yawa petsita najuntu coyene xanepana exanaewa tsainchi.

²¹ Paxam copiya Nacom jopa paita coxonaem,

be pomonae penanapaincha jinompaewi patsita naexaname Nacomtha. Yawa Nacom pia peaitafaetabi jiwichi pam, abe painya neexanae dubenanaebiyaexae painya *juntu* coyenewatha.

²² Ichitha nama anoxuae payaputaneme xua Cristo bayatha *tupa* naetotha xua poxonae bara jiton cuiru coyeneya. Daxota anoxuae Cristo pac a cana exana xua Nacom paita coxoname pomonae pam pomonae copiya Nacom pia peaitafaetabi jiwichi pam. Poxonae Cristo *tupa* pia pac a exanaenexa pomonae pam pomonae Nacom peitutha tatsi penthuthu cui xanepanae jiwi pam. Matauta pac a cana exana xua ichamonae painya jopa nepaca yabara paebiwa xua abe painya neexanaewa. ²³ Cristo pac a exana xua xanepanaya painya nejinompaewa tsane Nacom peitarbaratha. Baxua pac a cana exana icha beta pajume cowunta dubenanaebiyaename Nacom pia pexeinya pecapanenebiyae diwesi jume. Yawa jopa papentsinde xua paewatame xua pinae Nacom pac a catsibapaeba, xua bayatha pajume taneme. Nacom pac a catsina pocotsiwa pia nacua beicha xeina xua peantuyapuswa xua jopa weraweracaeyo xua caena bayatha yabara pac a tsiwunamuxu duta Nacom. Barapo pexeinya pecapanenebiyae diwesi bayatha Jesucristo pia pejume cowantsiwi tatsi cueicueiei xua daxita nacuan yajupaya. Irhu xan, Pablon, paebaponandu barapo diwesi.

Meje yabara poxonae Pablo Nacom Pejume Diwesi tsipaeba pomonaetha pomonae Jesucristo pejume cowantsiwichi

²⁴ Xan, Pablon, anoxuae juntema weiweinaya poponan bequein neperaxa exana paxam nexa. Icha Cristo ichi poxonae peraxa exanatsi jiwi nexa, barichin xan neperaxa eexanaponaena paxam nexa pomonae Cristo pijimonae pamxaem. Atenein beya poxonae wetsin pocotsi coyene cuiru Cristo bewa ajuntacoyenetane tsoponae tsane pomonae pia pejume cowunts iwichinexa. Bapoxonae Cristo pia coutha paebina xua xan equeicha jopa atenein tsane. ²⁵ Xan, Pablon, Nacom Pejume Diwesi tacueicueijei jiton tana neitorobixae Nacom tapaca cayawenaenexatsi xua iru daxita carepaya jiwi pejume taetaeponaewa tsane barapo Nacom Pejume Diwesi. ²⁶ Barapo diwesi caena bayatha Nacom moya yawun xeina xua jiwi jopa yabara yaputaeyo. Ichitha anoxuae barapo diwesi matapainya Nacom yabara yaputane exana pomonaetha pomonae pejume cowunts ijiwixaetsi. ²⁷ Barapo pexeinya jume diwesi Nacom caena bayatha moya yawun xeina xua jiwi jopa yabara yaputaeyo, ichitha anoxuae ichichipa iru yabara yaputane exana barapo pexeinya jume diwesi pomonaetha pomonae jopa judiomonae naexanaeyo. Barapo Nacom moya peyawun xeinaewa xua apara Cristo pac*a* yanaba. Daxota paewatame xua bexa Cristo pac*a* catsina, xua caena bayatha yabara pac*a* tsiwunae muxu duta Nacom.

²⁸ Daxota pacueicueijan barapo diwesi po diwesi xua Cristo yabara. Daxita jiwi pamuxu jan. Daxita jiwi pacuiduban Nacom pia peyaputae coyenetha tatsi, tsipei paichichipan xua Na-

comtha xaniwaicha yajhntu coyene xanepanaya patsina xua be caemonae penaexanaewa tsane Cristotha. ²⁹ Daxota daunweya nacuitan Cristo tana necatsixae pia peayapushwa xua bichocono ayapush tacueicueijinexa tsane Nacom Pejume Diwesi poxonae barapomonae tsipaeban. Barapo peayapushwa jiwi tsita itutan poxonae daunweya nacuitan.

2

¹ Baxua paca tsipaebatsi pomonae painya nejume cowhntsiwa Jesucristo tsipei ichichipan xua painya neyaputaewa xua bichocono tapaca antobewatsi. Daxota bichocono pacata whwhcaponeibatsi Nacomtha. Iruno pomonae Jesucristo jume cowhnta, pomonae jinompa Laodicea tomaratha, barapomonae iru tawhcan. Iruru daxita ichamonae pomonae jopa netaeyo, tawhcan. ² Anthyapushya Nacomtha pacata whcatsi, xua painya nepaca cajhntu coyene tsacarabi exanaenexa xua jhntema painya nejinompaenexa xua caemonae nantiya painya nenaantobenexa. Matautano pacata whcatsi xua painya neyaputaenexa xua daxita peyaputae coyene xua daxota painya neyaputaewa tsane po coyene xua copiya Nacom moya yawhn xeina po coyene xua Cristo yabara. ³ Cristo pon peyaputaein, pon daxita coyenein yaputane. Icha caein jiwana paxam, icha bapon ichichipa xua pexeinaewa barapo peyaputae coyene, bujame whca. ⁴ Baxua paca muxu jeichi, tsipei jopa ichipaeinyo xua ichamonae paca cui caranababa xua naerabiya paca muxujainyaba

po jumeintha xua naemata beta paeba. ⁵ Paca yabara cananta xeineibatsi, be natsicotan xua be pacá baru popoinchi bequein taju ecan. Juntu coyene weiweinan xanepanaya jume cowuntssiya painya nejinompaexae Cristo, yawa juntu coyene weiweinanno xua painya nenacui xainwaetsiya jinompaexae Cristotha.

Meje yabara xua jiwi pena juntu coyene xeina Cristotha

⁶ Mexeya poxoru painya neyabara jume cowuntssixae xua pinae Jesucristo pon painya Nepacacanamataxeinaein, daxota bewa bara paraichim bewa caemonae pana naexanaem Cristotha xua xaniwaicha painya nejinompaenexa bapontha. ⁷ Paitacoxonaya yaputaeponde Cristo painya pewunaein jiton. Matowa yabara pana nacuidudubaponde Cristo pocotsiwa bayatha exana. Matowa paexande xua pocotsiwa bapon pacá itoroba. Mataropeicha payaputaeponde xua pexainyeiwa jume, icha matha ichi xua ichan pacá cuiduba poxonae pajume cowunttame Jesucristo. Yawa matowa pajande: “Nacom, maisa pajuntu coyene weiweinan xua painta exaname”, pajan tsabinde.

⁸ Dota pam tsipei jopa ichipaeinyo xua ichamonae pacá cui caranababa xua naerabiya pacá muxujainyaba xua painya neexanaewa tsane xua naemata beta paeba. Pomonae xua pacá cuiduba pia peitorobi coyenein, baraxua apara jopa Cristo pia peitorobi coyenewa tatsi. Apara saya pon pepawi, bapon pia peitorobi coyenein tatsi, apara saya nacua pia peitorobi coyenein tatsi.

⁹ Nacom Pexanto cana nayawa exana xua Cristo xeina daxita i dapo coyenein, po coyenein Nacom xeina. Barapo coyenein bapon Cristo xeina pon pepa pebin naexana Nacom Pexanto tatsi. ¹⁰ Apara Cristo piamonae tatsi pam. Cristo, bapon compa yatsicaya Pecanamataxeinaein cana exanatsi xua daxita canamataxeinatsi pomonae itabocotha peitorobiwi pia peayapuswatha. Poxonae Cristo panantahtame, jopa ichauyo pacata seicaeyo xua paxeiname xua pocotsiwa Cristo juntema popona paca exana. ¹¹ Paxam anoxuae icha juntu coyene paxeiname Cristo painya nejume cowantsixaemxae, yawano poxoru painya nenantu cui barapentsixaemxae xua abe paexaname. Icha judiomonae ichi xua nawi thaba ichaxota pebiwi nareixacaena bapana baxua jopa paca juntu coyene capanepae abe painya neexanae cuiru coyenein weya. Jame xua Jesucristo naetotha tupa, baxua jame paca unthuthu coyene capanepa abe painya neexanae cuiru coyenein weya. ¹² Poxonae ichun paca bautisaba, be paca muthatha penta, icha Cristo ichichi poxonae muthatha xotsi. Bara paca juta ichi. Yawa poxonae xua pamatawname be equeicha asu pajinompame, icha Cristo ichichi poxonae Nacom asu exana Pexanto poxonae equeicha itowan popona. Bara paca juta ichi painya nejume cowantsixaemxae Nacom. ¹³ Caena bayatha paxam jopa paichichipaem xua painya neexanaewa pocotsiwa Nacom paca itoroba poxoru saya abe painya neexanae jiwi pam. Daxota Nacom be pomonae pewerapae jiwi patsita jinompame. Saya u abe peexanae cuiru coyenein

painya nenanta xeina dubenanaebiyaexaemxae, poxoru saya abe painya neexanaewi. Baxua paex-aname poxoru barapo peabewa pacá itata cado-piteiba xua abe painya neexanaewa tsabi tsane. Jopa Nacom pajéichim poxoru paxam barapocot-simonae pam, pomonae jopa judiomonae naex-anaeyo pam po judiomonae nawi thaba ichax-oتا pebiwi nareixacaena, Nacom pacá exana xua anthhthhcoyeneshya painya nejinompaewa xua Cristo painya neyawa jinompaewa. Bapon Na-com nacata jhntemaina xua daxita abe waexanae cuiru coyenein. ¹⁴ Nacom jopa naca yabara paebiyo xua abe exainchi poxonae bara bequein jopa exanaetsi po peitorobi coyenein judiomonae exana xuano xua naca cui itoroba xua po peitorobi coyenein bequein Nacom itoroba. Daxota Na-com jopa naca yabara paebiyo xua abe exainchi tsipei Cristo naetotha cobe matatabarutatsi xua pentoma nacata exana xua wanaca capanenebiya exanaenexa abe waexanae cuiru coyenein weya. ¹⁵ Poxonae Cristo naetotha thupa, Cristo pecui pawicana exana po pentacaponaewi xua abe peex-anaewi xua barapomonae peamanayabixaetsi. Daxota barapomonae jopa xeinaeyo peitorobi coyene xua peayapush coyene. Pin bicheito itabaratha Cristo aura exana pentacaponaewi. Anoxuae Cristo pentacaponaein exanatsi xua daxita barapo jiwi pecanamataxeinaenexatsi.

*Meje yabara xua jei: “Itapeta payabara nanta xeinare xua pocotsiwa Nacom jhntanajebaj*jiwi*, pia nacuatheicha”, jei*

¹⁶ Daxota dapon ajibi pon itacüpatsi xua painya nepaca yabara paebiwa xua abe painya neexanaewa xua pocotsiwa painya nexaexae, xuano xua pocotsiwa painya neapaexae. Matautano bapon jopa itacüpatsi xua painya nepaca yabara paebiwa xua abe painya neexanaewa po matacabitha poxonae jiwi tsinacaetuta pin pexaewa xua penabanaewa tsane, matautano xua paexaname po mataqueitha poxonae jomocoichato aena equeica, matautano po matacabintha poxonae pentaquei seicæ matacabin poxonae jiwi jopa nacuichiyo. ¹⁷ Caena bayatha barapo peitorobi coyenein judiomonae cuidubatsi Nacom, xua saya u pejume. Barapo jumeinthia judiomonae cuidubatsi Nacom, xua yabara yaputane peexanaenexa tsainchi pocotsiwa bexa Cristo exanaena. Apara bayatha Cristo patopeica. Icha paxam paichichipame xua painya nenaexanaewa tsane Nacom piamonae tatsi bewa paexanaem pocotsiwa Cristo pac aitoroba. ¹⁸ Jopa pacopatsinde xua ichamona pac aabar paeba xua pana natsiaenae cuentame xua jopa painya neexanaexae icha barapomonae ichi. Barapomonae pac aeba poxoru tane petsita itabi coyenewan po coyenewan xua ichamona pac taeyo. Barapomonae pac aitoroba xua pepawi jiwi painya nenaexanaewa tsane painya coutha icha barapomonae ichi xua bequein jumexaeya paeba xua pinae pecui pawi jiwi. Matautano barapomonae pac aitoroba xua matatsunpiwi wanae painya nejainchiwa tsane icha bapomonae ichi. ¹⁹ Barapomonae

jopa Cristo peyawa jinompaewichi, pon Wanacanamataxeinaein xuano xua pon asu jinompa naca exana. Matatano bapon caemonae naca cana exana bapontha wajume cowuntsixae. Nacom naca cana exana xua beta wajume cocowuntaponaewa, icha be pocotsi coyeneya xua pejume diwesitha paeba, icha poxonae jiwi ichi xua poxonae pia pexui wicchatapona pexaewa peapatsixae.

20 Tsipei Cristo bayatha pac a cayawa tupa. ¿Eta xua came awiya payabara nanta xeiname? Poxonae Cristo tupa bapon pac a cana exana xua pana nacapanenebiyam abe painya neexanae cuiru coyenein weya. Matatano pac a capanenebiya exana po peitorobi coyene weya xua jiwi exana pia nacapanenebiyaetsi. Poxonae baxua pac a cana exana, Nacom tsitatsi xua bara be Cristo payawa werapame. Daichitha awiya paichichipame xua paexaname barapo peitorobi coyene, bequein barapo peitorobi coyenein jopa pac a capanepaeyo abe painya neexanae cuiru coyenein weya. Apara saya jame Cristo pac a capanepa, naetotha petupaexae. **21** Judiomonae ainya peitorobi coyenewan xeina xua pia peitorobi coyenewanxae pocotsiwa be iche: “Jopa jayabinde baxua. Jinya ebato opitha jopa panaeinde baxua. Jopa baxua necobetha pichinde”, jei.

22 Barapocotsi coyenein po coyenein xua jopa bewa pinae paexanaem tsane barapo coyenein, bapana jopa pac a yawenae xua beta painya neexanaewa pocotsiwa Cristo pac a itoroba. Barapocotsiwa jopa pajume naitaewatsinde,

poxoru barapo pecuidubi coyenein apara pia peitorobi coyenein tatsi pomonae saya jiwi. Apara barapo peitorobi coyenewan saya nainya weraweraca icha pexaewa ichi xua nainya weraweraca poxonae jiwi xane. ²³ Paxam pananta xeiname xua barapo peitorobi coyenewa xeina peantayapuswa poxoru be pac*a* exana xua xanepanaya pajinompame, yawa be pac*a* exana xua Nacom wunae pajaintame. Barapomonae judiomonae pia ab*e* exaneibi pia coutha naperaxa exaneiba pia juntemainaetsi xua ab*e* exana. Ichitha awiya yabar*a* nanta xeina pocotsiwa ab*e* exana poxoru barapo peabewa ita cui dopitatsi xua baxua peexanaewa tsane. Barapomonae saya u pepaebeibi, ichitha cataunxuae jopa xanepanaya jinompaeyo.

3

¹ Tsipei Cristo bayatha pac*a* cayawa asu, daxota panaitomare xua painya neexanaewa xua Cristo pocotsiwa ichichipa. Bapon Cristo eca Nacom pia nacuatheicha tatsi. Paxa pecoxa weya eca bapon. ² Saya panaitomtsiya nanta xeinare Jesucristo pia peitorobi coyenewan tatsi. Jopa payabara nanta xeinaeinde xua copei pexeinae coyenein pocotsiwa barapo cae pin nacuathe xeina. ³ Tsipei bayatha paxam pac*a* cayawa tupa Cristo, daxota jopa paexanaeinde pocotsiwa barapo cae pin nacuathe xeina. Painya neantajumopeyapuswan jiwi jopa taeyo tsipei Nacom Cristo pac*a* cayawa itacafetsiya xeina pia nacuatheicha. Mexeya poxoru Cristo peyawa poponaexae Nacom, daxota waxainchi poxonae yawa jinompatsi Cristo barapara

irar yawa jinompatsi Nacom. Baxua jiwi jopa paca cui yaputaeyo. ⁴ Bapon Cristo naca jumope antujumopeyapusu exana. Poxonae Cristo equeicha patopaetsica paca cayawa baru naitutsina jiwitha pexeinya peitupanae coichatha.

Meje yabara xua Peru juntu coyene, xuanoxua pena juntu coyene

⁵ Po coyenein xua jiwi exana pia pepontha bara pana cui barapende. Painya xoba pana nasi cui matacaetame xua paweiweiname. Painya xoba paexaname po coyene abe po coyene ba aura exana poxonae paexaname. Painya xoba pacui yabara nanta xeiname xua abe painya neexanaewa tsane. Painya xoba paichicha xeicame xua ichamonaе xeina. Bu bichocono pacui yabara nanta xeiname beyacaincha xua poxonae pacui yabara nanta xeiname Nacom. Baxua icha be poxonae paichim poxonae ibo nacom paantobem beyacaincha xua Nacom paantobem. ⁶ Pomonaе xua barapocotsiwa exana, Nacom casebina barapomonaetha. Bexa tsane Nacom itawetsina xua jopa petapatsiwa tsainchi pia nacuatheicha, poxoru barapomonaе saya jumefeba nawita pocotsiwa Nacom itoroba. ⁷ Icha barapomonaе ichi, xua abe exana, paxam bara paichim caena bayatha barapocotsiwa paexaname poxonae jopa cataunxuae Jesucristo pajume cowantsim. ⁸ Ichitha anoxuae daxita pana cui barapende xua daxita peabe coyenein: xua peanaepanae coyenewan, xua juniya pejei coyenewan, xua jopa xanepanaya peexanae coyenein, xua saya abeya peyabara cueicueijeiwa

coyenewan, xua peyʉjeiwa coyenewan. ⁹ Jopa caemonae nantiya pana namuxuitarobeibinde, anoxuae pena jʉntʉ coyenein painya nexeinaexae tsipei peru jʉntʉ coyenein bayatha papentame. Tsipei barapo Peru jʉntʉ coyenein jiwi ba ajumebeya cui itorobatsi xua abe exana. ¹⁰ Tsipei anoxuae pena jʉntʉ coyenein paxeiname tsipei Nacom exana barapo pena jʉntʉ coyenein. Barapo pena jʉntʉ coyenein pac*a* ita coxone exanapona Nacomtha. ¹¹ Poxonae jiwi pena jʉntʉ coyenein xeina pejume cowantsixae, bapoxonae Nacom tsita najupatsi, metha bara bequein griegomonaepin tsipae, irʉ metha bequein judiomonaepin tsipae, irʉ metha bequein pon xua pewi thabinchi tsipae xua ichaxota pebiwi nareixa*c*ena, irʉ metha bequein pon jopa pewi thabinchi tsipae xua ichaxota pebiwi nareixa*c*ena, irʉ metha bequein pon penanapaincha poponaein tsipae, irʉ metha bequein pon unupin tsipae, irʉ metha bequein pon pebusi cui taetainch*i* tsipae, irʉ metha bequein pon pepu copatinchi tsipae xua bara piawa penata exanaewa tsane. Apara Jame meis**a** bapon Cristo ainya cui peexanaeinchi. Mataʉtano Cristo barʉ popona pomonae peantobewixaetsi.

¹² Nacom pac*a* itapeta xua piamonae tatsi pia pac*a* necaexanaenexa pia pac*a* necaantobexae. Daxota nantanuweya pacui yabara cananta xeinare ichamona*e* xua painya neyawenaewa tsane. Yawa betiya payawende ichamona*e*. Yawa jopa ichamona*e* patsita atsacande xua icha coyene painya neexanaenexa. Yawa jopa paaebinde ichamona*e*. Yawa jopa paaitaconae

tsaibinde poxonae bequein ichamona abe pacata exaneiba. ¹³ Nantiya pana natsita xeinare po junta coyene xua jopa painya neaitaconaewa xua poxonae bequein ichamona abe pacata exana. Pacui yabara juntemainare poxonae ichamona abe exana, icha Cristo ichi pon jiwi Pecanamataxeinaein exanatsi xua daxita paca cui yabara juntemaina xua abe paexaname. Bara paichinde pana nacui yabara juntemainare daxita pocotsiwa abe pana nata exaname. ¹⁴ Barapo coyenein paexande, yawa mataropeichiya paexandeno xua bichocono nantiya pana naantobeinde. Poxonae baxua paexanaename xua painya nenaantobewam, bapoxonae xaniwaicha paexaname pocotsiwa bayatha paca itorobatsi xua bewa paexanaem icha paxeiname pexanepanae cui unththun. Ichitha poxoru painya nenaantobexae daxota bapo coyenein paexaname. ¹⁵ Saya pacopare xua bara Cristo painya junta coyeneintha pacata itorobina juntema pia pepoponaewa tatsi xua daxota juntema painya nejinompaewa tsane. Tsipei Nacom paca necajainchixae: “Caemonae painya nenaexanaawi pam”, paca necajainchixae. Paxeinare po coyene xua pajam tsaibi: “Nacom, maisa pajunta coyene weiweinan xua painta exaname”, xua po coyene pajam tsaibi.

¹⁶ Po diwesi Cristo paca tsipaeba xua yawa paca itoroba, moyo paexaneibare. Ichia Cristo ichi xua paca cuiduba pejume diwesitha, barichi xuya ichamona pacuidudubaponde. Matautano nantiya pana nacui tsacarabare xua xanepanaya painya nejinompaewa tsane

xua poxonae pajume taneme Cristo pejume diwesi. Nacom patanax^unare daxita weixi. J^unt^u coyene weiweinaya patsita nax^unare Nacom. ¹⁷ Pocotsiwa paichichipame xua painya nepaebiwa tsane, moy^a papaebare pocotsi pepaebiwa ichichipa Jesús. Yawano pocotsiwa paichichipame xua painya neexanaewa tsane, moy^a paexande xua pocotsi peexanaewa ichichipa Jesús pon jiwi Pecanamataxeinaeinxae. Bapontha pajande: “Jesús inta Axatha jande: ‘Maisa j^unt^u coyene weiweinan xua bapon yawename’, inta, jande”, pajande Jesustha.

Meje yabara xua pocotsiwa bewa exanae pomonae Jesucristo pejume cow^untsiwi

¹⁸ Yab^uxi pamxaem pac^a tsipaebatsi. Pajume taema. Painya seuriwi pajume jejan tsaibinde xua pac^a itorobeiba. Baxua paexaneibare tsipei pejume cow^untsi jiwi pam Jesús pon jiwi Pecanamataxeinaein. ¹⁹ Pebiwi pamxaem pac^a tsipaebatsi. Pajume taema. Painya seuriwi paantobe tsaibinde. Baxua paexaneibare. Poxonae paitorobeibame, bichocono jopa pajan tsaibinde.

²⁰ Pexui pamxaem pac^a tsipaebatsi. Painya axa jiwi xua ir^u painya ena jiwi beta pajume naitae-wateibiya exaneibare pocotsiwa pac^a itorobeiba tsipei baxua Jesús pon jiwi Pecanamataxeinaein tsita ita cui xanepanatsi. ²¹ Coxiyei jiwi pam, xua saya pebiwi jiwi pam pac^a tsipaebatsi. Painya xoba painya pexui pamuxutainyabame xua jopa beta exanaeyo. Ich^a baxua paexaname pexui jopa beta jinompaetsipae.

²² Pomonae amanaya pebusi cui taetaewichi pam, beta pajume naitaeware painya nepacacanamataxeinaewi, pomonae paca itoroba, pomonae xua po cae pin nacuathe jinompa. Jopa metha bepa meisa beta pajume naitaewatsipaem poxonae paca tane pomonae painya nepacacanamataxeinaewi. Apara jame beta painya nejume naitaewatsinexa poxonae pomonae painya nepacacanamataxeinaewi jopa imoxoyo paca taeyo. Jopa metha bepa meisa painya w^unæe taexanaetsi pomonae painya nepacacanamataxeinaewi. Apara jame painya w^unæe taexanaetsi ir^u Jesús pon jiwi Pecanamataxeinaein, tsipei paxam pomonae Jesucristo painya nejume cow^untsi jiwi pam. ²³ Daxita i daxuan xua paexaname xanepanaya paexanare. Saya u pacananta xeinaeya exaneibare xua Cristo nexa, pon jiwi Pecanamataxeinaein. Jopa meisa saya pananta xeinaeya taexaneibinde xua pon painya nepacacanamataxeinaein, pon saya pepawi, xua saya jiton. ²⁴ Bayatha payaputaneme xua bexa Cristo pon jiwi Pecanamataxeinaein paca catsibina xua paca juntana jeba pia nacuatheicha xua painya newetsixae pocotsiwa bapon paca itoroba. Paxam Cristo pia petanacuichi jiwichi pam pon yatsicaya jiwi pepa Pecanamataxeinaein. ²⁵ Ichitha pon jopa xanepanaya exanaeyo, bapon xeinaena pentoma xua jopa pexanepanae matoma. Nacom jiwi jopa natoxeinchä necotsiyo. Pomonae pebusi cui taetaewichi, barapomonae Nacom nanta j^upaya tane, icha pomonae pentacaponaewi ichi xua

poxonae Nacom nanta jüpaya tane. Daxota pon jopa xanepanaya exanaeyo, bapon xeinaena pentoma xua jopa pexanepanae matoma.

4

¹ Pomonae pentacaponaewi pam, xanepanaya pacana exande pomonaе painya nebusi cui tae-taeibi jiwi, tsipei paxam paxeiname painya pepa Nepacacanamataxeinaein itabocotheicha.

² Nacomtha cuitiya pana cui babatsiya wäca dubenanaebiyama. Poxonae Nacomtha pawäqueibame, pajan tsaibinde: “Nacom, maisa pajäntä coyene weiweinan xua pata tanecatsiwaxaem yawa xua painta exaname beta”, pajan tsaibinde. ³ Yawano painta wäcare Nacom xua Jesús pon jiwi Pecanamataxeinaein pata tana neyawenaewa tsane xua pata cueicueijenexa bapon pejume diwesi tatsi daxita coyeneintha xua ichaxota pata ichipaewa xua pata paebeibiwa tsane. Barapo diwesi caena bayatha jiwi jopa yaputaeyo tsipei Nacom moya yawän xeina xua jiwi jopa yabara yaputaeyo. Ichitha anoxuae Nacom ichichipa xua jiwi yaputaena barapo diwesi. Barapo diwesi xua anoxuae apara xua Cristo naca yanaba. Jiwi pecäbi botha neeta tana natsipei cueicueijenexa barapo diwesi. ⁴ Painta wäcare Nacom, xua xanepanaya tacaununaya cueicueijenexa tsane Cristo pijume diwesi xua jiwi beta tana nejume taewa tsane pocotsiwa xua bewa cueicueijenexa tsane, pocotsiwa Nacom ichichipa.

⁵ Dota pam, xanepanaya beta jume wänaeya pajinompare, tsipei pacatane pomonaе jopa jume

cowantsiyo Jesucristo. Barapomonaes patsipae-beibare xua pocotsiwa Nacom ichichipa xua poxonae po mataqueitha cataunxuae pacá itac̄pa xua painya netsipaebiwa. ⁶ Poxonae ichamonaes patsipaebame, beta xanepanaya patsipaebare. Yawano bewa xanepanaya pajume notsim daxita jiwi.

Meje yabara poxonae Pablo najume weta po carte

⁷ Daxita Tíquico neyabara diwesi paebina xua pacá tsipaebina. Bapon be wayapin watsicotaein tsipei Jesucristo pejume cowantsin. Bapon paantobein. Irú bapon Tíquico Jesús pon jiwi Pecanamataxeinaein pia petanacuichin tatsi. Bapon Tíquico neyaweneiba xua Jesucristo pijume diwesi cueicueiei tsaibi. ⁸ Daxota Tíquico painya xainya beya itoroban painya neyaputaenexa xua paxan xanepanaya bara j̄ntema pajinompan. Yawa bapon pacá necacui tsacarabinexa xua j̄ntema painya nejinompaewa tsane. ⁹ Tíquico bara beya pon irú ichan napona, pon pewan Onésimo, pon be pata tayapin patsicotan pejume cowantsixaerú Jesucristo, yawano bapon paantobein. Barapon beta xanepanaya pepoponaein Nacomtha. Tíquico irúno Onésimo, baponbe daxita yabara pacá tsipaebina xua pocotsiwa xote exananje.

¹⁰ Irú Aristarco tajiton, pon jiwi pecubi botha paecanbe, bapon pacá jacobá. Irú Marcos pacá jacobá, pon Bernabé pamoyo tatsi. Tsipei bayatha payaputaneme xua Marcos pepatopaewa tsane. Pacá itorobatsi bapon yabara. Icha patopaena bara beya, bapon pantenta weyataeaya wabare. ¹¹ Irúrú Jesús pacá jacobá, pon icha wanno, Justo.

Po acoibi poyobe, poyobe xuaunxuae pac a jacob a meisa saya barapoyobe neyawena xote poyobe xua jiwana judiomonae, po judiomonae Jesucristo pejume cowantsiwichi jiwanabe. Barapo acoibi poyobe neyawenabe xua yabar a cueicueijeibe Nacom Pejume Diwesi po diwesi xua Nacom waba jiwi xua petanaexanaenexatsi piamonae tatsi petajume cowantsixaetsi Pexantotha. Barapoyobe nejant h cui tsacarababe xua jantema tapoponaewa tsane. ¹² Irur u Epafras pac a jacob a, pon painyamonae jiwana. Bapon Epafras Cristo Jesús pia petanacuichin tatsi. Bapon jume daunweya pacata w queiba Nacomtha, xua Nacom xanepanaya pac a necaant yapus aya daunweya exanaenexa tsane. Xaniwaicha painya neyaputaenexa pocotsiwa painya neexanaenexa, pocotsiwa Nacom ichichipa. ¹³ Xan bara yatsicaewa tacui taewa xua Epafras pacata jume daunweya w queiba Nacomtha. Po coyene xua bapon baxua exana xaniwaicha, apara paxam nexa, iru Laodicea tomaramonaepiwi nexa, iru Hierápolis tomaramonaepiwi nexa. ¹⁴ Irur u Lucas pac a jacob a, pon jiwi peyawabin, pon bichocono antobetsi xua jiwi antobe. Irur u Demas pac a jacob a.

¹⁵ Painta jacobare Jesucristo pejume cowantsiwichi, pomonae Laodicea tomara tha ena. Ir u painta jacobare powa pewu n Ninfa. Irur u painta jacobareno pomonae pejume cowantsiwi, pomonae nacaetuteiba Ninfa pia botha tatsi. ¹⁶ Poxonae barapo carte payorobame equeicha ichan pacare xua pecaponaenexa Laodicea tomara beya, xua xuya peyorobinexa barapo carte pomonaetha pomonae pejume

cowantsiwi poxonae nacaetuta. Yawa poxonae Laodicea tomaramonae pia carta tatsi papitame painya xainya berena barapo carta xuya payorobare painya penacaetutsi botha xua Colosas tomaratha. ¹⁷ Paxam Arquipo pabarande: “Taema Arquipo, xaniwaicha baxua exande xua bayatha Jesucristo pon jiwi Pecanamataxeinaein pocotsiwa caitoroba xua wunaeya xanepanaya nacui yabara jume wetsiname xua exaname”, pajande.

¹⁸ Xan, Pablon, pacá jacobatsi. Baxoyo tacobe couyeje, xoyo tinaxuban. Jopa pajantemainaeinde xua jiwi pecabi botha taecaewa. Nacomtha painta wqueibare. Barabu Nacom jantema jinompa pacá exana pia pacá necaantobexae.

Baja Pablo.

Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022
e9c4c3a0-6dec-54a4-aaba-fb395e5eddc7